



PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Ustavno - pravna komisija
Broj: 01/1-011-973/03
Sarajevo, 07.07.2003.

Z A P I S N I K

sa 11. sjednice Ustavno - pravne komisije

Sjednica je održana 07.07.2003. godine s početkom u 14,00 sati.

Sjednici su prisustvovali članovi Komisije:

1. Beriz Belkić
2. Mirsad Ćeman
3. Petar Kunić
4. Miro Ivo Jović i
5. Tihomir Gligorić

Borislavu Paravcu je prestao poslanički mandat, a Seada Palavrić, Martin Raguž i Nijaz Duraković su najavili odsustvovanje.

Sjednici je prisustvovao poslanik Sead Avdić predlagač zakona, Zijad Hasić sekretar Komisije za finansije i budžet i Mijo Katana u ime Vijeća ministara BiH.

Sjednici su prisustvovali sekretar Komisije Milan Zjajić i student stažista Eznmana Hadžiavdić.

Predsjedavajući Komisije Mirsad Ćeman, uz napomenu da se pod ostalim pitanjima, tačka 6. dnevnog reda, članovi Komisije upoznaju o svim aktivnostima za Okrugli sto, čije je svečano otvaranje predviđeno za tu večer, predložio sljedeći:

D N E V N I R E D

1. Verificiranje zapisnika sa 10. sjednice održane 26.06.2003. godine,
2. Prijedlog zakona o izmjenama i dopunama Zakona o sukobu interesa u institucijama vlasti BiH, predlagač poslanik Nikola Špirić, nadležna Ustavno-pravna komisija,
3. Prijedlog zakona o proceduri za nabavke robe, usluga i ustupanje radova za potrebe institucija BiH, predlagač Komisija za finansije i budžet, koja je i nadležna komisija,
4. Prijedlog zakona o sudskim taksama u postupku pred Sudom BiH, predlagač Vijeće ministara BiH, nadležna Komisija sa finansije i budžet,
5. Prijedlog zakona o Novinskoj agenciji BiH "BH PRESS", predlagač poslanik Sead Avdić,
6. Ostala pitanja.

Predloženi dnevni red je jednoglasno prihvaćen.

Ad. 1. Verifikacija zapisnika sa 10. sjednice održane 26.06.2003.

Zapisnik sa 10. sjednice je bez primjedbi jednoglasno verificiran.

Ad. 2. Prijedlog zakona o izmjenama i dopunama Zakona o sukobu interesa u institucijama vlasti BiH

Na početku rasprave sekretar Ustavno-pravne komisije Milan Zjajić je uposnao prisutne da ga je predlagač zakona poslanik Nikola Špirić zamolio i ovlastio da ga, zbog toga što nije radi službenog puta u mogućnosti da prisustvuje 11. sjednici, pred Komisijom zastupa u raspravi o ustavnom osnovu. Dalje je naveo da je ustavni osnov nesporan, jer se radi o izmjenama i dopunama zakona koji je ranije usvojila Parlamentarna skupština BiH i naglasio da je više puta istaknuta potreba sa donošenjem ovog zakona, te da je prijedlog usaglašen sa stavovima Izborne komisije BiH.

Nakon kraće rasprave, uglavnom iskazane podrške, Ustavno-pravna komisija Predstavničkog doma Parlamentarne skupštine BiH je jednoglasno utvrdila da:

1. Postoji valjan ustavno-pravni osnov za donošenje Prijedloga zakona o izmjenama i dopunama Zakona o sukobu interesa u institucijama vlasti BiH
2. Ustavni osnov sadržan je u članu IV tačka 4 a). i e). Ustava Bosne i Hercegovine, kako je naveo predlagač,
3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijedlog zakona o proceduri za nabavke robe, usluga i ustupanje radova za potrebe institucija BiH,

U ime Komisije za finansije i budžet, sekretar komisije Zijad Hasić je u kraćim crtama obrazložio istorijat nastanka prijedloga ovog zakona, ustavni osnov i potrebu za donošenjem.

I za ovaj prijedlog zakona članovi komisije su u kraćim diskusijama podržali i potrebu i postojanje ustavnog osnova za donošenje i jednoglasno utvrdili da:

1. Postoji valjan ustavno-pravni osnov za donošenje Prijedloga zakona o proceduri za nabavke robe, usluga i ustupanje radova za potrebe institucija BiH,
2. Ustavni osnov sadržan je u članu IV tačka 4 a), članu III 1. b), e) i g). Ustava Bosne i Hercegovine, kako je naveo predlagač,
3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 4. Prijedlog zakona o sudskim taksama u postupku pred Sudom BiH,

U ime predlagača zakona Vijeća ministara BiH, Mijo Katana je u kraćim crtama obrazložio ustavni osnov i potrebu za donošenjem zakona, ističući da Sud BiH funkcioniše, a da nije u mogućnosti da naplaćuje sudske takse, jer nema zakona.

Nakon toga, bez posebne rasprave članovi Komisije su jednoglasno utvrdili da:

1. Postoji valjan ustavno-pravni osnov za donošenje Prijedloga zakona o sudskim taksama u postupku pred Sudom BiH,
2. Ustavni osnov sadržan je u članu II tačka 1. i 2. Ustava Bosne i Hercegovine, kako je naveo predlagač,
3. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 5. Prijedlog zakona o Novinskoj agenciji Bosne i Hercegovine "BH PRESS"

Nakon što je dobio riječ od predsjedavajućeg, predlagač zakona je obrazložio potrebu da u BiH postoji agencija bez političkih predznaka, a koja bi se bavila prikupljanjem, obradom i distribucijom informacija, ali ne u kontekstu kakve su bile agencije u socijalističkim državama bivše SFRJ. Ukazao je kako je Vlada Federacije BiH dopustila sebi slobodu da 2000. godine ukine BH PRESS i svojom odlukom integriše HABENU i BH PRESS u jednu novu novinsku agenciju i da je tako jedan entitet jednostavno ukinuo zakon Republike BiH iz '93. Zatim se kritički osvrnuo na neke inicijative po kojima bi SRNA i FENA formirale treću agenciju i ponovio stav da je BiH koja je zemlja u tranziciji neophodan konzistentan informacijski protok. Na kraju je predložio da Komisija sačeka izjašnjenje Vijeća ministara ili pak da organizuje javno saslušanje i objektivno razmotri ovaj prijedlog.

Predsjedavajući Čeman je pojasnio procedure u slučaju da se Komisija opredijeli za otvaranje javnog saslušanja i dao riječ Ivi Miri Joviću, koji je podržao ideju o otvaranju javnog saslušanja.

Sličnu podršku javnom saslušanju je dao i Tihomir Gligorić ističući da ono može samo biti od koristi da članovi Komisije donesu odgovarajuću odluku.

Član Komisije Petar Kunić je opet iznio suprotan stav naglašavajući da nema potrebe ni za zakonom niti za agencijom, ističući pogotovo činjenicu da za realizaciju ovog projekta trebaju velika novčana sredstva od 4-5 miliona KM, a za njega je sve to stereotip prošlosti i da nema raspoloženja za takav projekat i da bi bilo najbolje povući prijedlog.

Beriz Belkić je u kraćoj diskusiji iznio svoje dileme ističući da je ipak bliži stavu da se pruži prilika zainteresovanima da kažu svoje mišljenje.

Na kraju se pristupilo glasanju i sa 4 glasa "za" i jednim "protiv" Komisija je prihvatila da otvori Javno saslušanje o prijedlogu zakona o Novinskoj agenciji BiH "BH PRESS".

Ad. 6. Ostala pitanja,

Pod ovom tačkom dnevnog reda članovi Komisije su komentarisali pisanu Informaciju o aktivnostima za pripremu Okruglog stola na temu: "Nadležnosti i odnosi institucija BiH i entiteta".

Članovi Komisije su sa žaljenjem primili vijest da će članovi Kolegija Predstavničkog doma biti odsutni u vrijeme održavanja Okruglog stola, kao i informaciju o neprisustvovanju predsjedavajućeg Doma naroda, ali su konstatovali da je prevashodni cilj Okruglog stola stručne prirode, a ne protokolarne. Posebno je ukazano na potrebu da se tok Okruglog stola snima i izvrše ostale pretpostavke kako bi se na pogodan način moglo publikovati sve što je značajno i ima trajne vrijednosti.

Predsjedavajući je u 16,00 sati zaključio sjednicu.

SEKRETAR KOMISIJE
Milan Zjajić

PREDSJEDAVALAČI KOMISIJE
Mirsad Ćeman